



Sakspapir

Sakshandsamar	Arkiv	ArkivsakID
Nadine Gutte-Preusse	FE-230, FA-G10	19/409

Saksnr	Utval	Type	Dato
123/19	Formannskapet	PS	26.11.2019
	Kommunestyret	PS	
014/19	Eldrerådet	PS	12.11.2019

Justering av satsar for tryggleiksalarm og velferdsteknologi 2020 Kommunebudsjett 2020

Saksutgreiing:

Bakgrunn

Tenesta er ikkje lovpålagt, men vurderast ut frå behovet til søkjaren for helse- og omsorgstenesta etter lov om helse- og omsorgstjenester i kommunen § 3-1 og § 3-2. Føremål med tenesta er å gje brukaren tryggleik ved trong for akutt helsehjelp og for å utsetja institusjonsinnlegging, slik at brukaren kan klara seg betre og lengre i eigen heim.

Pr i dag har Fedje kommune avtale med Doro Care AS og drift av tryggleiksalarmane, som óg inkluderer vaktssentral som vidareformidlar alarmane til peleipersonalet på sjukeheimen. I haust 2019 skal tryggleiksalarmane skiftast ut og utvidast med anna teknologi i samarbeid med Vestlandsprosjektet og Atea.

Kommunane kan krevje eigenandel for velferdsteknologi etter Helse- og omsorgstjenesteloven § 11-2 så sant velferdsteknologi vert brukt som teneste som ikkje blir ytt til personleg stell og eigenomsorg. Under eigenomsorg forståast her hjelp til personleg hygiene, toalettbesøk, naudsynt tilsyn og tilsvarande grunnleggjande behov. Dersom det vert ytt velferdsteknologiske hjelpemiddel til som helsehjelp i heimen, altså personleg stell eller eigenomsorg, etter Helse- og omsorgstjenesteloven § 3-2 første ledd nr.6 bokstav a har kommunen ikkje tilgang til å krevja eigenandel.

Vurdering

Alternativkostnadane for drift av tryggleiksalarmane er per i dag omtrent kr 30000 per år. Grunna omstilling frå Doro til Atea vil det påfalle etableringskostnadar på omtrent kr 170000 i haust 2019. Desse kan splittast i innkjøp av sjølve teknologien med kr 113500 og etablering av datateknologien som trengst for å driva velferdsteknologiske hjelpemiddel med kr 63500. Dei årlege kostnadar vert estimert til omtrent kr 102000, splitta i lisensavgiftar til sjølve teknologien med kr 64000 og datateknologi med kr 38000.

Folkehelse

Ved hjelp av velferdsteknologiske hjelpemiddel kan institusjonsopphald utsettast eller vert unngått og brukaren kan klara seg betre og lengre i eigen heim.

Statistisk sett lever vi lengre og er friskare jo lengre utdanning og høgare inntekt vi har. Sosial ulikhet i helse dannar såleis mønster av ein helsegradient gjennom heile folkesetnaden. Gratis tryggleiksalarm bidreg ikkje til ei utjamning av helsegradienten fordi låginntektshushald med trong



Fedje kommune

for denne teknologien vil ikkje verta belasta økonomisk – men samtidig så vil óg hushald med høgare inntekt ikkje få ein auka økonomisk belastning. For å påverke helsegradienten og dermed å fremja folkehelsa ville det vore naudsynt med graderte leigeprisar, slik at låginnteksthushald betalar forholdsvis mindre enn hushald med høgare inntekt.

Miljø

Økonomi

For å kunne bruke velferdsteknologiske hjelpemidlar betalar kommunen både etableringskostnader og månadlege lisensavgiftar. Ved førebyggjande bruk av velferdsteknologien som fell under Helse- og omsorgstjenesteloven § 11-2 vert det foreslått at etableringskostnader for dei ulike teknologier vert betalt av brukaren sjølv. Alternativ vert det foreslått at brukaren betalar dei månadlege lisensavgiftar. Dermed vert kostnadane fordelt på både brukarar og kommune.

Teknologi	Etableringskostnad (kr)	Lisensavgift pr månad (kr)
Dignio pilly - medisindispenser	3047,50	299
GX-8 tryggleiks alarm	2627,75	19,80
Safemate Trigger two (lokalisering)	2177,50	215,80
Safemate Track three (lokalisering)	2593,50	215,80

Gratis velferdsteknologi vil føre til ein større økonomisk belastning for kommunen.

Per i dag er det 15 brukarar av tryggleiksalarm, mens tallet kan verta varierende etter behov. Av desse brukarar er det sannsynlegvis berre ein eller to som fell under § 11-2. Hovudparten av brukarane får velferdsteknologiske hjelpemidlar etter § 3-2 og kan dermed ikkje krevjast for eigenandel.

Konklusjon

Ved oppstart med velferdsteknologi som førebyggjande tiltak etter HOTj. § 11-2 betalar brukaren etableringskostnader, mens driften og den økonomiske belastningen av velferdsteknologiske hjelpemidlar ligg hos kommunen.

Forslag til vedtak:

Brukar betalar etableringskostnader for velferdsteknologiske hjelpemidlar som fell under Helse- og omsorgstjenesteloven § 11-2 som foreslått i tabellen ovenfor. Alle andre kostnader vert betalt av kommunen.

Gratis bruk av velferdsteknologiske hjelpemidlar som fell under Helse- og omsorgstjenesteloven § 3-2 første ledd nr.6 bokstav a.

Eldrerådet - 014/19

ELD - behandling:



Fedje kommune

ELD - vedtak:

Brukar betalar etableringskostnadar for velferdsteknologiske hjelpemidlar som fell under Helse- og omsorgstjenesteloven § 11-2 som foreslått i tabellen ovenfor. Alle andre kostnadar vert betalt av kommunen.

Gratis bruk av velferdsteknologiske hjelpemidlar som fell under Helse- og omsorgstjenesteloven § 3-2 første ledd nr.6 bokstav a. Brukar betalar etableringskostnadar for velferdsteknologiske hjelpemidlar som fell under Helse- og omsorgstjenesteloven § 11-2 som foreslått i tabellen ovenfor. Alle andre kostnadar vert betalt av kommunen.

Gratis bruk av velferdsteknologiske hjelpemidlar som fell under Helse- og omsorgstjenesteloven § 3-2 første ledd nr.6 bokstav a.

Samrøystes vedteke.